

YÜNG NGÜ 65

1. Yesu koro ta fukoto de ni mere tima fefe teka anu agbu kpi?

-Abala de.

2. Yesu mala ta ga ni koro fu koto amere neh?

-Amere tima fu wu kpara de ato teye teka bi wu kpara.

3. Ja Bartimaeus ti di ma ne egu fini ne tamu ngu ne teka wu kpara ‘buru ne?

-Bu baka ta te Bartimaeus di ta de ja ye ma ne, wuh yaka wu kpara ‘buru de ja wu ma.

4. Wuh yaka wuh kpara ‘buru de ja wu ma ne baye?

-Ka ete wuh yaka wu kpara ‘buru ka wu Adam ake Eva ne, wu kpara ‘buru cika wu fanu ka me de.

5. Bartimaeus ti ta eyi areke ja ye?

-Abala de.

6. Wu kpara ti eyi amere e teka arek ja wu te de wu fanu ka ne?

-Abala de.

7. Kpara ta te ti areke ja Bartimaeus ta de da?

-Ade Yesu.

8. Kpara te ti a reke ja wu kpara ‘buru de dada?

-Ade Yesu.

9. Bartimaeus i ta Yesu ye David te ngu neh?

-Tengu Yesu ta de kundu ye David to te me mala ga ana di de muru kuwa ne.

10. Wu kpara zinga ta fu Bartimaeus ga anga ne ka neh?

-Wu kpara la fi ga Yesu le ta awundo muru cinga de ja ye ma te ayi e ne de.

11. Yesu le ta eyi teka awunda muru cinga te iyi e de jaye ma ne?

-Weyi.

12. Ade ga me le wu kpara ‘buru ale teka akuwa uwu ‘buru ne de?

-Weyi.

13. Yesu reke ta ja Bartimaeus eyi?

-Weyi.

14. Yesu nu ta agbu Yeroselema te a kuwa wu kpara ka wazi wu Roman?

-Abala de.

15. Yesu nu ta agbu Yeroselema ne amere neh?

-Yesu nu ta teka akuwa wu kpara ka wazi wu sitingu, ka kpi de ka Satana.

-Ke e ta te wu cogboro wu kpara ka Yuda le ta Yesu de ne, fu uwu ta agiri kaje teka amoro Yesu.

Ni Tanga La Marko 14:1-2

1-Fu karama ka gurusu fu de nda ambata dudu ta eyi bu wu sikpi ‘bosu ne, wu cogboro wu Pastor de wu muru gu ta mu ngu amgbu ta agiri Yesu teka a zoro engu amoro.

2-“Gbu lora ka karama la,” fu uwu a mala ga, “wu kpara ena azinga.”

-Wu cogboro wu kpara ka wu Yuda le ta azoro Yesu gbu ra ka karama ka gurusu fe ta de ne ka neh?

-Tengu wu kpe ta curu ga te ani zoro engu gbu ra ka karama ka gurusu fe la, wu kpara ena ta azinga.

Ni Tanga La Marko 14:10

10-Fu Yuda Iscariot, kpara matima ka Yesu ta anu a se engu fu wu cogboro wu Pastor.

-Yuda ta ne de da?

-Yuda ta de gara matima ka Yesu te uwu di ta njukpa de fu ye ‘bosu te Yesu silya ta uwu ne.

-Yuda wu ta eyi ga wuh yaka ni agbu siti ngu ni le ta muru kuwa?

-Abala de.

-Yuda le ta eyi ga Yesu de muru kuwa?

-Abala de.

-Yuda efa ta nga Yesu ka ete engu le ga Yesu de muru kuwa ne de.

-Enga Yuda efa ta nga Yesu ne tenguy neh?

-Yuda fa ta nga Yesu ne ka ete engu le ta amaka bi se ne.

-Te Yuda maka ta bi se esaka Yesu de ne, fu engu ta ase Yesu fu wu azi gu kaka.

-Kpara ta te mala fu Yuda ga ase Yesu ne ta ne de da?

-Ade Satana.

-Satana le ta de Yuda se Yesu ne tengu neh?

-Ka ete Satana le ta Yesu de ne.

-Satana le Yesu de ne teka neh?

-Ka ete Yesu de me ne.

-Ka ete Yesu emala ndaye zungu ne.

-Satana le ta de cogboro wu Yuda moro Yesu.

-Satana le ta de wu cogboro wu Yuda moro Yesu ne tengu neh?

-Satana le ta de wu cogboro wu Yuda moro Yesu ka ana akuwa wu kpara.

-Satana le ta de wu cogboro wu Yuda moro Yesu ka ana asiti wazi wu siti ngu de kpi.

-Satana le ta de wu cogboro wu Yuda moro Yesu ka engu ena asiti wazi Satana.

-Fu Yuda ta anu fu wu cogboro wu Yuda ase engu fu uwu.

-Kpara ta te wu Nebi ga ana ta ase Yesu ne ta ne de da?

-Ga awuba kaka.

-Bu baka ta te me mala etu wu nebi gugu ga owuba ka Yesu ena ase engu ne.

-Te Yuda koro ta teka ase Yesu fu wu cogboro wu Yuda ne , wu fi ta ga ne?

Ni Tanga La Marko 14:11

11-Wu cogboro wu Pastor la ta de tadu teka aje ngu la, fu uwu ato se fefe. Fu engu ta a giri kaje teka ato engu tete.

-Wu cogboro wu kpara ka wu Yuda mala ga ani ena ato se tiki biri de fuye njukpa fu Yuda ase Yesu di.

-Wu se ta Yesu de fe:

-De se tiki biri de fuye njukpa.

-Wu se Yesu de se tiki biri de fuye njukpa bu baka ta te me mala efu wu Nebi gugu ne.

-Ta te gira ra ka karama la koro ne, wu matima yi ta ta Yesu ga neh?

Ni Tanga La Marko 14:12

12-Gbu gina ra ka karama ka ambata ti wu to ta kabiliki ka gurusu fe tete ne, fu wu matima ka Yesu ta ayi tata ga, “mu le de ni nu are su teka azu karama ka gurusu fu tete ne ne kaye?”

-Wu matima ka Yesu yi ta tata teka su te wuh ena areke teka karama ka gurusu fu ne.

-Karama ka gurusu fu ta ne de neh?

-Karama ka gurusu fu la ra te wu Yuda efi ta nga e ta te mere fu uwu agbu Egypt ne.

-E ta te mere agbu Egypt ta ne neh?

-Me moro ta gina ye wu de, aguru ta su fu uwu ka eta te wu moro kabiliki fu uwu ao ngungute te ru wu mingi kambu ka uwu ne.

-Dene ngu ta te Yesu mala lugu fu wu malima kaye ne.

Ni Tanga La Marko 14:13-15

13-Fu Yesu ta atima wu matima kaye’bosu, fa amala fu uwu ga “yi nu agbu ta wun la, te yi maka kparr eyi de mere koloko esaka ye. De yi fa nganga.

14-De yi mala fu muru kiti te engu ena ari gbugbu la ga, ‘muru gu tamu ngu yiga, kambu ka wu kparr kara kaye, te ma na azu karama ka gurusu gbugbu de wu matima kara ne kaye?’

15-Ana agu tamu mere kambu to kpa tikpi ban, te wu reke eyi fu yi. De yi reka su fini kpala.”

-Yesu mala ta ga wuna a wu komoko de koloko ka ngu esaka ye, ga wu fa nganga bu kiti te engu ena ari gbugbu.

-Baka ta te wu werese ebi koloko muwu ne Yesu wu ta kpo ga ana di de komoko.

-Yesu wu ta wu e teka wu kparr ‘buru kpo.

-E ta te ga Yesu wu de ne nda ma.

-Ana amgbu ta gbu kiti te komoko la ena ari ta gbugbu la, wu matima ena reke ta su teka karama ka guru su fu ne gbugbu.

-Mu fi ga wu matima la wu ta komoko eyi de abi koloko?

Ni Tanga La Marko 14:16

16-Fu wu matima la ta anu agbu tawun la amaka wu e dibi baka ta te Yesu mala fu uwu la. Fu uwu ta areke su teka magurusu fu la.

-Fu tanga ta te wu matima la reke karama ka gurusu fu la eyi ne, ete mirogu fu wu Yesu ta anu ekiti la de wu matima kaye.

Ni Tanga La 14:17-18

17-E te mirogo fu Yesu ta akoro deuwu de njukpa de fuye ‘bosu la.

18-Baka ta te wu mgbu azu e ne, fa amala ga, “ma emala fuyi ne fanu gara yi ena ase ra kpara te ezu e dera sene.

-Te wu Yesu wu matima kaye ezu ta e ne, Yesu mala ta fu uwu ga ne?

-Yesu mala ta ga gara matima kaye ena a se ni.

-Yesu wu ta ga Yuda ena ase ni ne baye?

-Ka ete Yesu de me ne, a wu wu e’buru.

-E kpala de ga Yesu wu de ne nda ma.

-Yesu mala ta fu wu matima la ga kpara esuka wu ena aseye ne taka ne?

-Yesu le ta de Yuda fi nga ngu tate engu eza nu amere ne.

-Yesu le ta de Yuda fu tinga ngu kaye.

-Yesu le ta de Yuda fu finga ngu kaye fa adu de se la fa a ce de ase ni.

-Wu matima la mala ta sene ga ne?

Ni Tanga La Marko 14:19-20

19-Fu su la ta amgbu de cinga te uwu fu uwu tona amala etu uwu bi biri ga fanu a dera de?

20-Fu Yesu amala alugu ga, “ezimgba uwu de njukpa de fuye ‘bosu la de, “kpara te to ambata agbu ndu’ba de ra.”

-Ka ete wu Yesu ezu ta e de wu matima la birimgbo ne, fa amala ga kpara te ena ase ni ne eto ta ambata agbu ndu’ba de Yesu.

-Te wu Yuda ezu ta emazu birimgbo la, wu ekuru ambata fu uwu ato agbu mere ndu’ba gbu wuru ezimgba wu.

-Yesu emala ta ga kpara te ena ase ni ne ala te wu zu e de uwu.

-Gara, Yesu le ta de Yuda fi nga ngu te engu eza anu amere ne.

-A esiti fu yi azu emazu de kpara fu mu anu ase engu?

-Weyi.

-A sisiti.

-Enga Yesu mala ta ga ne?

Ni Tanga La Marko 14:21

21-Fu Yesu amala ga, “ye komoko ena nu bu baka ta te wu ba te ngungu la: cinga fu kpara te ena ase ye komoko la! A ta mbi fefe te wu yaka ta engu de!”

-Yesu i ta teye ye komoko ne ka neh?

-Ka ete Yesu ta kpa de mundu ne.

-Ka ete Yesu koro ta baka ye teka amere tima fu mundu ne.

-Yesu wu ta kpo ga ni ena akpi.

-Baka ta te Yesu ena ankpe ne, kpara ta te ena ase engu ne wuh na amere ta engu esiti.

-Me mere ta Yuda de wezi ga ase Yesu de.

-Wuh ena ambusa ta Yuda fi bedi ka ete engu se Yesu ne.

-Baka ta te wu ezu e ne fu Yesu ta kpa amala gara ngu fu wu matima kaye.

Ni Tanga La Marko 14:22

22-Ta te wu ezu e ne, fu Yesu ta aza ambata fa akuru, fa ato fu wu matima kaye, fa amala ga, “muza; Dene kute ra.”

-Yesu za ta ambata fa gbo nga me de wo, fa akuru lulu ru, fa ato luluru la fu wu matima kaye.

-Yesu mala ta ga ambata la de kuru kute ni.

-Ambata ta kuru kute Yesu ne baye?

-Bu baka ta te wuh kuru ambata la ne, wuh ena akuru kute Yesu ta kpa bala ka wu siti wu kpara.

Ni Tanga La Marko 14:23-24

23-Fu Yesu aza ndu’ba, fa agbo nga e fa ato fu uwu, fu uwu ‘buru a njo.

24-Fa amala ga, “Dene ngute ra ka tengu te uwu toko teka bi wu kpara ne.”

-Fu Yesu ta aza ngu'ba ka ngu , fa agbo nga e fa ato fu wu matima kaye.

-Yesu mala ta ga fi la ta kuru ngute ni.

-Fi ta kuru ngute Yesu ne baye?

-Bu baka ta te euh koko fi la teka anjo ne, wuh ena atoko ngute Yesu ta kpa bala.

-Yesu mala ta ga wu na atoko ngute ni kpa bala ne fu da?

-Yesu mala ga wuh ena atoko ngute ni teka bi wu kpara.

-Fu tanga ta te wu zu e nja eyi ne, fu Yesu ta kpa amala ngu fu wu matima kaye.

Ni Tanga La Marko 14:25-26

25-Fu Yesu amal ga, “ma emala fiyi fafa nu, mati sene a njo fi ne de gi gbu rate mana anjo agbu su ka me ne.”

26-Fu tanga ta te wu bi ci eyi ne, fu uwu ta anu afu da ka Olives.

-Wu Yesu de wu matima kaye ne nja ta de azu e ka uwu la etemirogo.

-Fu Tanga ta te uwu zu e nja eyi ne, fu uwu ta ace Yeroselema, fu uwu anu fu da ka Olives.